

吳江縣續志卷十七

治績

邱賜書

程國棟

丁雲錦

計瓚

葉振書

金廷烈

王錫

仲周需

丁士偉

李治運

吳江縣續志

卷十七

目錄

周元理

陳永泰子時憲

王曾翼從子宗導

王錕

費振勳

周鶴立

程際韶

程邦憲

沈欽霖

沈鈺 子元溥

仲孫樊

蒯賀孫

吳江縣續志卷十七

人物二

治績

邱賜書字朝升黎里人例授湖北黃州岐亭同知之任時有商人循舊規獻白金千却之有僧淫惡不法長吏率不能問賜書廉得實嚴刑治之民大悅服誦曰邱青天不要錢性戇直不善事上官甫二年去任民焚香送之

程國棟字玉亭平望人烏程籍康熙五十二年舉人歷官嘉定鹽城知縣後補山東滕縣罷歸當試用江南時歲饑嘗運穀賑宿遷在嘉定又饑倡率捐米煮粥全活數萬民感其德有繪圖紀之者會朝命以大理卿汪滢等治淮陽水利國棟陳議去壅塞宣洩海口築隄壩灌溉田畝滢等如國棟議入告七邑咸蒙其利著有嘉定鹽城縣志

吳江縣續志

卷十七

人物二

一

丁雲錦字組裳吉水港人乾隆三十四年進士工部主事累遷至禮科給事中五十八年授湖南永州府知府憂歸起補施南調武昌嘉慶九年有蒲圻武舉爲亂文報不通雲錦潛由嘉魚上流小徑直趨蒲圻誘縛賊首餘黨遂散黃岡有劫鹽課銀毒斃商人之案獲犯無實供雲錦令解刑具餌以酒食始吐實江夏士人段克襄爲仇誣陷雲錦雪其冤後段成進士旋罷歸年八十卒於家

計璜字文珍盛澤人乾隆二十五年順天副榜授山東濱州州判署利津蒲臺陽信縣知縣所在有廉聲壽張奸民嘯聚璜隨運河道陸燿佩短刀晝夜巡察燿甚器之歸里卒嘗與顧我鈞選邑前輩文爲松陵耆舊集自著有籌山小草

葉振書字豫凡例授甘肅皋蘭縣丞署哈密巡檢時鎮守某

誣奏屯田都司某侵餉罪繫獄大吏令振書隨審辨其誣適屯田吏某縊死獄中振書檢尸廉得重刑致死狀并搜獲其訴冤書覆訊得實事遂雪後補棗強縣丞邑河決履勘勞悴得疾歸里卒

金廷烈字竹書同里人例授廣西柳州府經歷乾隆四年義甯逆苗蠢動委廷烈勸之有五百人直前犯廷烈廷烈正色曉喻苗泣拜解散署廣甯縣知縣審鄰縣積獄出死罪二十七人陞澄海縣知縣手縛海寇黎天喜等十三人又捕死犯徐亞仙等二十餘人擢南澳同知著有澄海縣志

王錫字覲揚同里人海鹽籍康熙五十六年舉人授江甯縣知縣時值清丈蘆課吏以千金饋不納悉定其應完者爲正課供億不足出家財佐之調豐縣縣瀕河河工歲徵稽料錫

吳江縣續志

卷十七

人物二

二

以陸路艱運上請得免准爲例以罣誤歸而城南二頃盡矣家居建宗祠率族以禮年七十二卒著有棲碧堂詩集仲周霈字思則盛澤人雍正二年舉人授直隸深澤縣知縣邑乏水苦旱周霈令民田多穿井井溉田十畝麥黍倍收旱不爲災邑瀕滋河堤外隙地魚蝦布子成蝗督民翻土去之己卯夏北地旱蝗而深澤獨否畿輔州縣困於差調應僱車馬吏緣爲奸周霈配莊輪值胥役不得上下其間大吏下其法於他邑人皆稱便一婦人死周霈驗髮頂有細孔獲一針案乃定人服其神致仕歸年八十五卒

丁士偉父大業雍正五年武進士仕至廣西右江總兵士偉乾隆三十年武舉人歷官至浙江衢州守備五十二年調臺灣協剿鎗擊逆首林爽文墜馬次日抵賊穴奏上賞戴花

翎旋解林爽文赴天津

行在 賞緞疋陞陝西固原游擊卒

李治運字甯人父重華見文苑傳治運雍正八年進士授刑部主事遷員外郎轉禮部郎中視學山東出爲陝西榆林府知府轉湖北糧道擢安徽按察使父憂服闋授浙江按察使鳳穎諸屬俗獷而貧多聚爲盜治運在安徽嚴治打降賭博以爲此盜之源也而浙之嘉湖地與蘇省錯盜案多委卸治運請蘇松與嘉湖所設巡檢會巡互報浙江洋面亦連福建江南例洋船稽查但究其出船入率不問治運又奏洋船領照出檔簿登載住址生業貨物入口有不符卽究詰有報失事以失單傳各口日期貨物與失單似者卽盤獲奏入 允行三十年

吳江縣續志

卷十七

人物二

三

高宗南巡

御書萱榮頤慶賜之年八十七卒有漪亭詩集

周元理字秉中黎里人仁和籍乾隆三年舉人授直隸清苑縣知縣時有部胥持僞劄馳傳者元理察其奸詰問具服奏上擢易州知州又擢宣化府知府母憂歸

上方西巡五臺南巡浙江畿輔地當其衝宮觀驛傳車馬芻牧諸役有司奉行易爲民厲大吏起元理統理之事集而民不擾服闋補保定府知府累擢至直隸總督三十九年山東白蓮賊王倫破壽張堂邑陽穀犯東昌及臨清嘯聚頗眾奪糧艘渡臨清運河掠西岸

上以畿南地界臨清 命守要害元理令總兵萬朝興副將瑪爾清阿駐西岸 賊衝會大學士舒赫德率禁旅自德

至夏津山東河南兵由東昌館陶扼西南賊渡西岸瑪爾阿擊敗之兵旣集元理渡河合兵搗之王倫自焚死加太子少保任直督七年爲治持大體不務操切四十五年晉工部尚書以老乞休年七十七卒

陳永泰字亮采黎里人例授湖廣宜城縣知縣縣經兵燹永泰革里正 輸勸農功治生之具悉與區處三年民大悅卒於官子時憲字叔度少育於彭從彭姓更名鎰例授貴州南籠府經歷旋攝鎮遠縣知縣有政聲顧不得於大吏乾隆十八年調署玉屏縣知縣縣故 盜以計獲其黨知盜穴所在率兵民夜搗盜出不意自相殺縛巨魁以獻置諸法越數日詣明倫堂宣講鄉約忽中飛矢遂病僚佐欲以情上告鎰曰吾不德而用猛致盜報復死亦宜也上官方側目何告爲以

吳江縣續志

卷十七

人物二

四

病請假卒

王曾翼字敬之同里人乾隆二十五年進士授戶部主事累擢至甘肅甘涼兵備道時回逆蘇四十三倡亂攻襲涼州之平番縣曾翼請檄兵協守以通河西運道旋總軍需局兼署藩臬篆以事落職總督李侍堯奏留督修蘭州城垣補平涼同知未之任而回民田五等復糾衆爲亂曾翼隨總督行營剿捕時伏羌圍急知縣楊芳燦晝夜力守食且盡羽書一日七至曾翼白侍堯率帳下卒疾馳往敗賊圍得解駐鹿鹿山賊掩至官軍列四重前三重戰且卻曾翼冒矢石神色自若事平擢鞏昌府知府遷蘭州兵備道三攝臬篆曾翼仕甘肅十八年兩值軍興以才幹稱尤爲文襄福康安所知嘗于役哈密葉爾羌日行戈壁往還二萬里年六十二卒於任從子

宗導字德音例授廣東東莞縣丞署四會縣丞賈人以禁錢被誣宗導白之賈攜金爲壽卻之復署陽山猺民雜處獷悍多訟宗導申明約束邑有虎患有殺人者詭爲虎啞宗導研鞫得實置之法陞龍門縣知縣

王錕字振伯同里人父堡乾隆二十一年舉人早卒母陳氏殉節死得旌錕乾隆四十三年進士授兵部主事遷郎中出爲直隸大名府知府屬邑元城縣紅花堤屢決錕順流疏浚後無水愚調保定時大府署有猾吏招搖恟惕爲橫於民錕單騎執之按其罪置之法闔郡肅然保定地高苦旱錕令民多掘井以溉田又令多種甘薯以薯性耐旱也嘉慶二年陞鞏秦階道時川楚教匪興錕練鄉兵得八千人賊犯成縣錕奮擊敗之四年復犯秦州錕時綜理糧餉擢浙江按察使

吳江縣續志

卷十七

人物二

五

督辦甘省軍務賊偵知錕在成縣軍火器械糧食悉在成率眾二萬來犯城中兵止三百錕令登陴掩旗鼓於高處覘賊賊方退造飯突出擊之賊驚竄盡遺其輜重令民修堡寨賊至入避保全甚眾又檄守鞏昌府城以勞卒於伏羌 賜祭葬卹贈光祿寺卿入祀昭忠名宦祠 賜建本邑專祠孫應模蔭知縣

費振勳字鶴江乾隆四十年進士 四庫全書館開以進士署籤 武英殿凡十一人振勳與焉敘勞授內閣中書轉戶部四川司主事 外郎考授山東道監察御史擢吏科給事中爲御史時言督撫考課州縣宜師漢循吏遺意不得專取猥巧武健之人以病民又言部據例案以治事案繁官不能周知吏因持其短長宜每司責主事掌成案以時籍記其異

同而剖析之又言近世士大夫好詆宋儒爲學術害鄉會試有顯悖朱註者禁勿錄其當官言事之當乎體要如此嘗一典四川鄉試一爲廣西學政旣歸主講郡中正誼書院七年卒年七十九

周鶴立字子野 忠毅公宗建六世孫乾隆五十九年舉人以知縣官安徽署涇縣亳州補蒙城父憂服除補定遠治獄明斷有聲以母憂去改湖北歷官漢川江陵黃安值荊州堤潰漂沒民居鶴立謂請帑而後給賑則民死已多乃捐俸並假同僚金得數萬民賴以全會有方伯某行部請鞫於鶴立鶴立佯不喻竟以鞫獻方伯恚甚輒齮齧之因去官卒於漢陽所著有匏葉龕詩存及雜組匏葉者鶴立去官後自號也程際韶字夔九謝天港人嘉慶十三年進士授甘肅清水縣

吳江縣續志

卷十七

人物二

六

知縣有白楊股匪爲亂際韶募勇千人爲十隊更番巡守賊知有備遁去際韶之官不攜家人儉約自持時州縣多蝕倉庫惟際韶無虧調甯夏號繁劇難治際韶勤聽斷日決數十事有中衛渠堤屢圯令伐柳枝編堤外殺水勢堤成陞蘭州循化同知有黑番渡河掠蒙古際韶購賞戮其魁循化少雨而多風僅種青稞稞不時熟乃禱於河源廟終際韶任雨澤常足漸可菽禾以疾卒於任年五十九

程邦憲字穆甫際韶弟也嘉慶七年進士授翰林院編修道光二年擢江西道監察御史時各直省有以實缺州縣別調他缺以本缺改委者邦憲奏言此非爲缺擇人實爲人擇缺開奔競不可三年浙江大水邦憲奏言宜令州縣勸富人出粟以補官賑所不及是年直隸亦彼水復陳米市之弊請運

奉天存倉米以資接濟皆 允行明年朝議以東南水利不修給事中朱爲弼請濬海口下流御史郎葆辰請濬湖州漣港邦憲又奏言致力海口而不去太湖淤墊雨水多必橫決專事上游而遺海口則天目諸水奔注而東入海不駛爲患滋甚二者均弊宜擇洩水最要處所剔淤沙剷蕩田令東注之水無滯吳淞劉河諸下流亦不致旋濬旋淤矣奏上議者是之五年轉戶科給事中又奏言江浙漕弊言甚切直六年轉鴻臚寺少卿以疾假歸卒

沈欽霖原名欽臨字仲亭嘉慶六年 恩科進士授內閣中書道光十年外轉福建平漳同知邑多盜欽霖至則選捕役設巡船盜爲斂跡沿海隙地諭民墾種雜糧數百頃邑以大治署興化府知府督辦木蘭坡工程調署臺灣海防同知時

吳江縣續志

卷十七

人物二

七

臺運內地兵穀積壓二十萬石欽霖設法疏通之十二年嘉義逆匪倡亂犯郡城欽霖擊走之以功 賞戴花翎授安徽廬州府知府留臺灣總辦軍需報銷以積勞卒 恩賜祭葬卹贈道銜

沈鈺字玉峰例爲典史任直隸大名大城而在大城最久有子牙河滹沱支流也伏秋泛漲爲民害大吏檄鈺治之再旬工畢會歲饑

詔賑之胥吏因緣爲姦鈺勾稽嚴密吏餽鈺鈺繩以法荒政辦歲庚子海防戒嚴徵調急邑當孔道輿馬夫役猝無應差役四出境內騷然令計窮求策於鈺鈺曰速追還差役事可濟令曰差役四出科派尚不足奈何追還差役鈺曰差役叫囂隳突富者賄免貧者逃匿適債事耳宜諭民釐爲三等上

者戶出一車次者二戶一車下者免令稱善命鈺治其事
集民無所苦嘗曰官無貴賤視自立耳故所在勤其職筦獄
二十年囚無瘐死及逸者其病也大城民爲禱於城隍祠櫬
歸奠酒漿者屬於道年五十二子元溥字春敷咸豐元年
順天舉人官兵部主事以勞績記名直隸州知州加道銜性
孤伉與人交好直言供京職十餘年貧而有守母憂南歸卒
年五十五

仲孫樊字補侯一字博山盛澤前窰村人道光二十五年進
士以知縣分發浙江攝淳安縣補臨海縣臨海環山帶海號
難治有蟾山山徑叢雜爲盜所窟穴孫樊至飭隸捕之相顧
愕眙無敢往者孫樊募人偵其巢穴盡悉其出入處所一夕
天大霧適黃巖鎮總兵阻風泊舟孫樊邀之直入其巢擒七

吳江縣續志

卷十七

人物二

八

人立斬以徇境內遂安二十九年浙江大水台州在萬山中
豐歉異宜方連歲大熟陸路阻赤城高嶺航海有齎盜之虞
以故多積粟孫樊爲狀申撫部設法流通米價大平咸豐元
年大吏以海塘工久未竣調孫樊署西防同知旋調中防時
黃宗漢在藩司任極契孫樊及爲巡撫以定鄞縣土匪功
賞戴花翎卽陞中防同知二年浙省始行海運孫樊首倡其
議先是以運河舟膠不進嗣後豐壩口決齊魯問大饑 詔
截南糧爲賑至七月始定議截湖廣漕浙糧當起運及是宗
漢令孫樊赴上海總持其事至三年正月浙漕全數放洋而
安慶江甯先後被粵賊陷宗漢奏請於江浙接壤處先嚴防
堵以孫樊土著熟悉形勢一以委之遂於盛墩修築礮臺駐
兵其間至八月上海廣匪亂據城陷青浦嘉定等六縣孫樊

請募台州鄉勇赴上海會剿孫樊官台州時素得民至是令其弟孫懋往募得千人率以往孫樊亦以積勞卒於營次弟孫懋代領其眾台勇之名有聞於江浙問孫樊天才亮特少孤貧事母至孝厠牖親自浣濯所著詩文有雄直氣悉散佚卒時年三十七子元熙弟孫懋別有傳

蒯賀孫字則欽一字士薌黎里人大興籍中道光二十四年恩科舉人咸豐三年以知縣揀發河南一署祥符固始縣事時河南全省爲捻匪出沒之區賀孫以守城功題補永甯縣丁父憂巡撫奏請奪情署光州知州欽差大臣復奏留軍營差遣再解固始縣圍剿角子山捻匪生擒逆首以功累遷至候補道丁母憂河南團練大臣毛昶熙奏調營務處同治元年奪情補南汝光道旋署理按察司使陞浙江按察司使

吳江縣續志

卷十七 人物二

九

引見有勞苦功高之 褒光緒元年卒於任所年七十